

(“Službeni glasnik Bosne i Hercegovine” br. 12/09)

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine, na 44. sjednici Predstavničkog doma, održanoj 21. januara 2009. godine, i na 24. sjednici Doma naroda, održanoj 29. januara 2009. godine, usvojila je

ZAKON

O IZMJENAMA I DOPUNAMA ZAKONA O OBAVJEŠTAJNO-SIGURNOSNOJ AGENCIJI BOSNE I HERCEGOVINE

Član 1.

U Zakonu o Obavještajno-sigurnosnoj agenciji Bosne i Hercegovine ("Službeni glasnik BiH", br. 12/04, 20/04 i 56/06) u članu 6. stav 2. riječi u zagradi: "(u daljnjem tekstu: Predsjedništvo)" brišu se.

U stavu 7. iza riječi u zagradi "(Predsjedništvo)" dodaje se riječ "BiH", iza riječi: "Vijeća ministara" dodaju se riječi: "Bosne i Hercegovine (u daljnjem tekstu: predsjedavajući Vijeća ministara BiH)", riječi: "Sigurnosno-obavještajnu komisiju Parlamentarne skupštine Bosne i Hercegovine (u daljnjem tekstu: Sigurnosno-obavještajna komisija)", zamjenjuju se riječima: "Zajedničku komisiju za nadzor nad radom Obavještajno-sigurnosne agencije Bosne i Hercegovine".

U stavu 9. na kraju dodaje se nova rečenica koja glasi: "Ovaj izvještaj dostavlja se u junu za prethodnu godinu".

Član 2.

U članu 7. stav 1. alineja 5. na kraju dodaje se nova rečenica koja glasi:

"Predsjedništvo BiH dostavlja Parlamentarnoj skupštini BiH Platformu obavještajno-sigurnosne politike, najkasnije do 1. novembra za narednu godinu."

Član 3.

U članu 10. alineja 5. iza riječi "Agencije" tačka i zarez brišu se i dodaju riječi: "najkasnije do 1. maja za prethodnu godinu;"

Član 4.

U članu 18. st. 1. i 2. mijenjaju se i glase:

"Predstavnički dom i Dom naroda Parlamentarne skupštine BiH zajednički osnivaju Zajedničku komisiju za nadzor nad radom Obavještajno-sigurnosne agencije Bosne i Hercegovine (u daljnjem tekstu: Zajednička komisija).

Zajednička komisija ima 12 članova, po šest iz svakog doma."

Stav 3. briše se.

Dosadašnji stav 4. postaje stav 3.

Član 5.

U članu 19. stav 4. alineja 4. mijenja se i glasi:

"4. razmatra i usvaja izvještaj generalnog direktora o radu, aktivnostima i troškovima Agencije, te posebno analizira način trošenja budžetskih sredstava;"

U alineji 5. iza riječi "razmatra" dodaju se riječi: "i usvaja".

Član 6.

U članu 23. stav 2. briše se.

Član 7.

U članu 26. stav 2. iza riječi: "krivičnog djela zloupotrebe položaja ili" dodaju se riječi: "krivičnog djela odavanja tajnih podataka odnosno".

Član 8.

U članu 28. iza stava 1. dodaje se novi stav 2. koji glasi:

"Generalni direktor može, uz prethodno pribavljenu saglasnost predsjedavajućeg Vijeća ministara BiH, nakon konsultacije sa Izvršnim obavještajnim odborom, donositi i druge podzakonske propise za koje se ukaže potreba donošenja u provođenju ovog zakona".

Član 9.

U članu 33. stav 1. alineja 6. riječ "osnovanim" briše se.

Član 10.

U članu 39. u st. 1. i 2. riječ "provjeru" zamjenjuje se riječima: "provođenje konkursa".

U stavu 3. riječi: "konkursne komisije" zamjenjuju se riječima: "Komisije za provođenje konkursa".

Član 11.

U članu 44. stav 2. iza riječi "kao" dodaju se riječi: "14, 15. i", iza riječi "mjestu" dodaju se riječi: "i dužinu trajanja uvećanog staža".

Član 12.

U članu 45. iza stava 2. dodaje se novi stav 3. koji glasi:

"Zaposleni u Agenciji ne mogu biti lica za koja se sigurnosnom provjerom po Zakonu o zaštiti tajnih podataka ("Službeni glasnik BiH", br. 54/05) utvrdi postojanje sigurnosne smetnje. Zaposleni u Agenciji moraju ispunjavati i sigurnosne uslove koji se utvrđuju putem sigurnosne provjere po ovom zakonu."

Dosadašnji st. 3., 4., 5., 6. i 7. postaju st. 4., 5., 6., 7. i 8.

Član 13.

U članu 59. iza stava 5. dodaje se novi stav 6. koji glasi:

"Generalni direktor može suspendirati zaposlenog u Agenciji do okončanja disciplinskog postupka."

Dosadašnji stav 6. postaje stav 7.

Član 14.

U članu 60. iza tačke d) dodaje se nova tačka e) koja glasi:

"e) neispunjavanje sigurnosnih uslova utvrđenih sigurnosnom provjerom po ovom zakonu ili postojanje sigurnosne smetnje utvrđene sigurnosnom provjerom po Zakonu o zaštiti tajnih podataka;"

Dosadašnje tačke e), f), g), h), i) i j) postaju tačke f), g), h), i), j) i k).

Iza stava 1. dodaje se novi stav 2. koji glasi:

"U slučajevima iz stava 1. tačka e) ovog člana, na zaposlenog u Agenciji kod kojeg se sigurnosne smetnje utvrde sigurnosnom provjerom po Zakonu o zaštiti tajnih podataka, kao i na zaposlenog u Agenciji kod kojeg je neispunjavanje sigurnosnih uslova utvrđeno sigurnosnom provjerom po ovom zakonu, primjenjuju se odredbe Zakona o zaštiti tajnih podataka o pravnim lijekovima kao i o radnopravnom statusu, s tim da licima kojima je konačnom odlukom utvrđena sigurnosna smetnja, odnosno neispunjavanje sigurnosnih uslova radni odnos prestaje, uz otpremninu utvrđenu zakonom."

Član 15.

Skraćeni nazivi institucija utvrđenih u čl. 1. i 4. ovog zakona, sprovode se u svim odredbama Zakona u odgovarajućim padežima.

Član 16.

Ovaj Zakon stupa na snagu osmog dana od dana objavljivanja u "Službenom glasniku BiH".

PSBiH, broj 287/09
29. januara 2009. godine
Sarajevo

Predsjedavajući
Predstavničkog doma
Parlamentarne skupštine BiH
Beriz Belkić, s. r.

Predsjedavajući
Doma naroda
Parlamentarne skupštine BiH
Dr. Mladen Ivanić, s. r.